

Uputo

Na osnovu člana 177. Zakona o radu (»Sl novine FBiH« br. 26/16, 89/18), člana 94 . stav (2) tačka f) Zakona o osnovnom odgoju i obrazovanju (»Službene novine KS« br. 23/17, 33/17 i 30/19), člana 149. i 179. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (»Sl novine KS« br. 04/18), po prijedlogu direktora škole, uz prethodne konsultacije i saglasnost Sindikata JU »Sedma osnovna škola« Ilidža, te dostavljeno pozitivno mišljenje, akt broj: 12/19 od 02.12.2019.godine, Školski odbor na 18. sjednici održanoj dana 06.12.2019. godine jednoglasno d o n o s i sljedeći:

PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE »SEDMA OSNOVNA ŠKOLA« ILIDŽA

Član 1.

U članu 20. stav (2) Pravilnika o radu JU „Sedma osnovna škola“ Ilidža, broj: 467/18 od 17.05.2018. godine riječi „u roku od 15 dana od dana zaključivanja ugovora o radu“, zamjenjuju se riječima „odmah na početku rada“.

Član 2.

U članu 75. stav (2) briše se.

Dosadašnji stav (3) do (6) postaju stav (2) do (5).

U stavu (4) i (5) iza broja „(1)“ briše se se zarez a dodaje slovo „i“, a iza broja „(2)“ briše se broj „(3)“.

Član 3.

Iza člana 75., dodaje se član 75a. koji glasi:

„Član 75a.

(Prava radnika izabranih i imenovanih na javne dužnosti i profesionalne funkcije)

- (1) Radniku izabranom, odnosno imenovanom na neku od javnih dužnosti, u organe Bosne i Hercegovine, Federacije, organe kantona, grada i općine i radniku izabranom na profesionalnu funkciju u sindikatu, prava i obaveze iz radnog odnosa, na njegov zahtjev, miruju, a najduže na period koliko traje obavljanje te funkcije, od dana izbora, odnosno imenovanja.
- (2) Radnik koji nakon završenog mandata iz stava (1) ovog člana, želi da se vrati na poslove u Školi, dužan je o tome obavijestiti direktora /Školski odbor u roku od 30 dana od dana prestanka mandata, a Direktor/Školski odbor je dužan primiti radnika na rad u roku od 30 dana od dana obavijesti radnika.
- (3) Radnika, koji je obavijestio Školu u smislu stava (2) ovog člana, ova ustanova je dužna rasporediti na poslove na kojima je radio prije stupanja na dužnost ili na druge odgovarajuće poslove, osim ako je prestala potreba za obavljanjem tih poslova zbog ekonomskih, tehničkih ili organizacijskih razloga u smislu člana 96. Zakona o radu („Sl.novine FBiH“: 26/16, 89/18).
- (4) Ako Škola ne može vratiti radnika na rad, zbog prestanka potrebe za obavljanjem poslova u smislu stava (3) ovog člana, dužan mu je isplatiti otpremninu utvrđenu u članu 111. pomenutog Zakona, s tim da se prosječna plaća dovede na nivo plaće koju bi radnik ostvario da je radio.
- (5) Ako radniku prestane radni odnos u smislu stava (3) ovog člana, Škola ne može u roku od jedne godine dana, zaposliti drugo lice koje ima istu kvalifikaciju ili stepen stručne spreme."

Član 4.

U članu 93. u stavu (1) u alineji 2. iza riječi „učinak“, tačka se zamjenjuje zarezom i dodaju se riječi: „ukoliko je isti ostvaren.“.

U istom članu u stavu (1) iza alineje 2. dodaje se alineja 3. koja glasi:

„ – uvećane plaće iz člana 76. Zakona o radu.“.

Član 5.

U članu 141. tačke 3. i 4. se mijenjaju i glase:

„3. kada radnik navrší 65 godina života i 15 godina staža osiguranja (u skladu sa propisima o penzijskom i invalidskom osiguranju), ako se poslodavac i radnik drugačije ne dogovore (u skladu sa odredbama Kolektivnog ugovora).

4. kada radnik navrší 40 godina staža osiguranja (u skladu sa propisima o penzijskom i invalidskom osiguranju), bez obzira na godine života, ako se poslodavac i radnik drugačije ne dogovore (u skladu sa odredbama Kolektivnog ugovora).“.

Član 6.

U članu 149. iza stava (8) dodaje se novi stav (9) koji glasi:

»(9) Zaštitu povrijeđenog prava pred nadležnim sudom ne može zahtjevati radnik koji prethodno poslodavcu nije podnio zahtjev iz stava (6) ovog člana, osim u slučaju otkaza ugovora o radu u skladu sa Zakonom o radu.«.

Član 7.

(Stupanje na snagu)

Ovaj Pravilnik objavljuje se na oglasnoj tabli Škole, a stupa na snagu osmog dana od dana objavljivanja.

Broj: 1489/19

Sarajevo, 06.12.2019. godine

Predsjednica Školskog odbora

/Šabanović Elma, prof./



BOSNA I HERCEGOVINA
Federacija Bosne i Hercegovine
KANTON SARAJEVO
JU «SEDMA OSNOVNA ŠKOLA» ILIDŽA
Školski odbor JU «Sedma osnovna škola» Ilidža

Umic!

Broj: 1490/19

Datum: 06.12.2019. godine.

Na osnovu člana 177. Zakona o radu («Sl. novine FBiH» br. 26/16 i 89/18), člana 94. stav (2) tačka f) Zakona o osnovnom odgoju i obrazovanju («Službene novine KS» br. 23/17, 33/17 i 30/19), člana 149. i 179. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo («Sl. novine KS» br. 04/18), a u vezi sa članom 87. Pravila o izmjenama i dopunama Pravila JU «Sedma osnovna škola» Ilidža broj: 319-01/09 od 03.07.2009. godine, po prijedlogu direktora škole, uz prethodne konsultacije i saglasnost Sindikata JU «Sedma osnovna škola» Ilidža, te dostavljeno pozitivno mišljenje, akt broj: 12/19 od 02.12.2019. godine, Školski odbor na 18. sjednici održanoj dana 06.12.2019. godine, jednoglasno d o n o s i:

ODLUKU

o donošenju Pravilnika o izmjenama i dopunama Pravilnika o radu JU „Sedma osnovna škola“ Ilidža

I.

Ovom odlukom donosi se Pravilnik o izmjenama i dopunama Pravilnika o radu Javne ustanove »Sedma osnovna škola« Ilidža, broj: 1489/19 od 06.12.2019. godine, usklađen sa Zakonom o radu («Sl. novine FBiH» br. 26/16 i 89/18).

II.

Pravilnik o izmjenama i dopunama Pravilnika o radu Javne ustanove »Sedma osnovna škola« Ilidža, objavljuje se odmah po donošenju na oglasnoj ploči škole, a stupa na snagu osmog dana od dana objavljivanja.

III.

Odluka stupa na snagu danom donošenja.

Predsjednik školskog odbora:


/Šabanović Elma, prof/



Dostavljeno:

1. Oglasna ploča;
2. U evidenciju škole.